

Garðheimar Gróðurvörur ehf.
Álfabakka 6
109 Reykjavík

Selfossi, 20. ágúst 2025
UOS2502317/K.S.G.

Niðurstaða eftirlits – Söluskrár fyrir notendaleyfisskyldar vörur og tilnefning ábyrgðaraðila – Kröfur um úrbætur

Umhverfis- og orkustofnun vísar til bréfs dagsett þann 3. mars 2025 þar sem kallað var eftir skrá yfir sölu á notendaleyfisskyldum plöntuverndarvörum og útrýmingarefnum fyrir árið 2024 og upplýsingum um ábyrgðaraðila í markaðssetningu notendaleyfisskyldra vara.

Markmið eftirlitsins var að kanna hvort fyrirtækið uppfylli skyldur sínar um að afhenda aðeins notendaleyfisskyldar plöntuverndarvörur og útrýmingarefni til handhafa gilds notendaleyfis fyrir umræddar vörur og halda skrá yfir sölu sem og að fyrirtækið hafi tilnefnt ábyrgðaraðila í markaðssetningu notendaleyfisskyldra vara, sbr. efnalög nr. 61/2013 og reglugerð nr. 677/2021.

Um umfang og niðurstöður eftirlitsins og þær kröfur sem gilda um markaðssetningu, kaup og móttöku notendaleyfisskyldra vara vísast til meðfylgjandi eftirlitsskýrslu.

Fyrirtækið skilaði fullnægjandi söluskrá til Umhverfis- og orkustofnunar. Af kaupendum notendaleyfisskyldra vara á árinu 2024 reyndust allir vera handhafar gilds notendaleyfis þegar sala fór fram.

Fyrirtækið hefur ekki tilnefnt ábyrgðaraðila í markaðssetningu notendaleyfisskyldra vara, sbr. 24. gr. efnalaga nr. 61/2013 og II. kafli reglugerðar nr. 677/2021.

Vísað er til kynningarbréfs Umhverfisstofnunar um breyttar áherslur í eftirliti með ábyrgðaraðilum í markaðssetningu og söluskrám notendaleyfisskyldra vara, sem var sent dreifendum slíkra vara með tölvupósti 18.10.2024. Enn fremur er vísað til leiðbeininga, sem stofnunin útbjó, um hvernig bæri að tilnefna ábyrgðaraðila í markaðssetningu í gegnum Island.is, sem sendar voru dreifendum notendaleyfisskyldra vara með tölvupósti 21.01.2025. Leiðbeiningarnar eru einnig aðgengilegar [hér](#).

Umhverfis- og orkustofnun veitir Garðheimum Gróðurvörum ehf. frest til 4.9.2025 til að ljúka tilnefningu ábyrgðaraðila í markaðssetningu notendaleyfisskyldra vara hjá fyrirtækinu. Tilnefningin skal berast í gegnum Island.is, sbr. leiðbeiningarnar sem vísað er til hér að ofan. Úrbótum telst lokið þegar Umhverfis- og orkustofnun hefur vottað að tilnefningin sé fullnægjandi með útgáfu vottorðs.

Umhverfis- og orkustofnun veitir Garðheimum Gróðurvörum ehf. hér með frest til 4.9.2025 til þess að koma sjónarmiðum sínum á framfæri, sbr. 13. gr. stjórnsýslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfis- og orkustofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Bréf þetta og meðfylgjandi eftirlitsskýrsla verða birt á vefsetri stofnunarinnar. Telji fyrirtækið að efni í bréfinu eða eftirlitsskýrslunni varði hagsmuni sem njóta eigi leyndar skal fyrirtækið tilkynna um það til Umhverfis- og orkustofnunar með rökstuðningi fyrir 4.9.2025.

Umhverfis- og orkustofnun vekur einnig athygli á því að samkvæmt XIII. kafla efnalaga er stofnuninni heimilt að beita þvingunarúrræðum til að knýja á um framkvæmd ráðstöfunar samkvæmt lögnum, til að mynda með áminningu sbr. 55. gr., álagningu dagsektar sbr. 56. gr. og stöðvun markaðssetningar sbr. 57. og 58. gr.

Jafnframt vekur Umhverfis- og orkustofnun athygli á því að í XIV. kafla efnalaga er kveðið á um viðurlög vegna brota á tilteknum ákvæðum laganna. Samkvæmt 2. tölulið 1. mgr. 62. gr. getur Umhverfis- og orkustofnun lagt stjórnvaldssektir á lögaðila sem brýtur gegn 24. gr. laganna sem fjallar um markaðssetningu eiturefna og notendaleyfisskyldra vara.

Athugið að frá og með næsta ári (2026) mun Umhverfis- og orkustofnun leggja stjórnvaldssektir á lögaðila sem afhenda notendaleyfisskyldar vörur til viðskiptavina sem ekki eru með notendaleyfi í gildi fyrir plöntuverndarvörum eða útrýmingarefnum eftir því sem við á. Fyrirtækinu verða sendar nánari upplýsingar um fyrirkomulag við beitingu stjórnvaldssektar síðar.

Jafnframt er vakin athygli á því að samkvæmt gildandi gjaldskrá fyrir verkefni og þjónustu Umhverfis- og orkustofnunar á hverjum tíma innheimtir stofnunin tímagjald vegna eftirfylgni eftirlits og beitingar þvingunarúrræða, sbr. 38 gr. gjaldskrárinnar.

Upplýsingar um markaðssetningu plöntuverndarvara má finna [hér](#).

Fyrirtækinu er velkomið að leita til sérfræðings stofnunarinnar, Kristínar Silju Guðlaugsdóttur, í síma 569-6000 eða í gegnum netfangið kristin.s.gudlaugsdottir@uos.is til að fá nánari upplýsingar varðandi þau frávík sem málið snýst um og leiðir til úrbóta.

Virðingarfyllst,

Kristín Silja Guðlaugsdóttir,

Teymi efnamála

Ísak Sigurjón Bragason

Teymi efnamála

Meðfylgjandi: Eftirlitsskýrsla